

Helstu liðir í efnahagsreikningi Seðlabanka Íslands

Meðfylgjandi eru upplýsingar úr efnahagsreikningi Seðlabanka Íslands í lok október 2003 og til samanburðar í lok desember 2002 ásamt breytingum í október 2003 og frá ársbyrjun 2003.

Gjaldeyrisförði Seðlabankans jókst í mánuðinum um 5,4 milljarða króna og nam 51,7 milljörðum króna í októberlok (jafnvirði 680 milljóna Bandaríkjadala á gengi í mánaðarlok). Erlend skammtímalán bankans vegna gjaldeyrisförða eru engin, en um síðustu áramót námu þau rúmlega 16 milljörðum króna.

Seðlabankinn keypti gjaldeyri á innlendum millibankamarkaði fyrir 4,4 milljarða króna í október í samræmi við áætlun hans um aðgerðir til að styrkja gjaldeyrisstöðu sína sem m.a var greint frá í máíhefti Peningamála 2003. Gengi íslensku krónunnar veiktist um 0,3% í októbermánuði.

Markaðsskráð verðbréf í eigu bankans námu 3,9 milljörðum króna í októberlok miðað við markaðsverð. Þar af námu markaðsskráð verðbréf ríkissjóðs 0,7 milljörðum króna og lækkuðu þau um 0,5 milljarða króna en í mánuðinum voru ríkisbréf á gjalddaga.

Kröfur Seðlabankans á innlánsstofnanir lækkuðu um 11,4 milljarða króna í október og námu 44,3 milljörðum króna í lok mánaðarins. Kröfur á aðrar fjármálastofnanir breyttust lítið og námu 3,2 milljörðum króna í mánaðarlok.

Nettókröfur bankans á ríkissjóð og ríkisstofnanir hækkuðu um 11,6 milljarða króna í október og námu nettóinnstæður ríkissjóðs 16,5 milljörðum króna í lok mánaðarins.

Grunnfé bankans hækkaði í október um 5,8 milljarða króna og nam 37,4 milljörðum króna í mánaðarlok.

Nánari upplýsingar veita bankastjórar Seðlabanka Íslands og Erla Árnadóttir aðalbókari í síma 569-9600.

Helstu liðir í efnahagsreikningi Seðlabankans
Í milljónum króna

	Staða í lok tímabils		Hreyfingar 2003	
	Desember 2002	Október 2003	Frá ára- mótum	Í október
<u>Eignaliðir :</u>				
Gjaldeyrisforði	37.194	51.743	14.548	5.376
Gull	1.727	1.858	131	-1
Erlendur gjaldeyri	33.418	47.852	14.434	5.363
SDR	12	5	-6	0
Gjaldeyrisstaða IMF	2.038	2.028	-10	14
Markaðsskráð verðbréf	5.260	3.891	-1.370	-456
Ríkissjóðs	1.816	704	-1.112	-513
Annarra	3.445	3.187	-258	57
Kröfur á innlánsstofnanir	69.141	44.257	-24.883	-11.398
Kröfur á aðrar fjármálastofnanir	8.227	3.187	-5.040	57
<u>Skuldaliðir:</u>				
Erlendar skuldir til skamms tíma	16.499	205	-16.293	-2
Seðlar og mynt	9.590	9.842	252	128
Almennar innstæður innlánsstofnana	1.164	1.067	-97	250
Staða á bindireikningum innlánsstofnana	21.837	26.446	4.609	5.400
Almennar innstæður annarra fjármálastofnana	75	44	-32	14
Staða á bindireikningum annarra fjármálastofnana	1.258	796	-462	-288
<u>Liðir til skýringar :</u>				
Gjaldeyrisstaða Seðlabankans, nettó:	20.696	51.537	30.842	5.378
Kröfur á ríkissjóð og ríkisstofnanir, nettó:	-20.846	-16.515	4.331	11.647
Kröfur á aðra, brúttó	77.454	47.542	-29.912	-11.366
Grunnfé:	32.590	37.355	4.764	5.778

Skýringar:

Gjaldeyrisforði sýnir brúttóeign Seðlabankans í erlendum gjaldeyri. Erlendur gjaldeyri sýnir innstæður í erlendum bönkum og erlenda verðbréfaeign bankans. Gjaldeyrisstaða við IMF sýnir hreina innstæðu bankans hjá Alþjóðagjaldeyrissjóðnum. Markaðsskráð verðbréf ríkissjóðs sýna eign bankans í spariskírteinum ríkissjóðs, ríkisbréfum og ríkisvixlum. Markaðsskráð verðbréf annarra eru húsbref og húsnæðisbréf. Kröfur á innlánsstofnanir eru brúttókröfur bankans á innlánsstofnanir. Kröfur á aðrar fjármálastofnanir eru brúttókröfur bankans á þessar stofnanir. Erlendar skuldir til skamms tíma sýna gjaldeyrisinnstæður í Seðlabanka Íslands. Seðlar og mynt sýna heildarfjárhæð seðla og myntar í umferð utan Seðlabanka. Almennar innstæður innlánsstofnana og annarra fjármálastofnana eru innstæður þeirra á viðskiptareikningum í Seðlabankanum og bundnar innstæður innlánsstofnana og annarra fjármálastofnana eru innstæður sem þeim er skylt að eiga í Seðlabankanum í samræmi við bindiskyldu sem bankinn ákveður. Neðanmáls eru sýndir fjórir liðir til skýringar, í fyrsta lagi nettógjalddeyrisstaða Seðlabankans sem sýnir erlendar eignir til skamms tíma að fráðregnum erlendum skuldum til skamms tíma, í öðru lagi nettókröfur Seðlabankans á ríkissjóð og ríkisstofnanir, þ.e. skuldir þessara aðila við Seðlabankann að fráðregnum innstæðum þeirra í bankanum, í þriðja lagi innlendar brúttókröfur á aðra en ríkið, og í fjórða lagi grunnfé bankans en til þess teljast seðlar og mynt í umferð og innstæður innlánsstofnana í Seðlabankanum.